



**Kurtze Propheceyung oder Practita. Was sich vngeferlich auff
daß M.D.LXXXVII. vnd auff daß M.D.LXXXVIII. Jar zutragen
soll, grosse, wichtige, schwere, so?rgliche vnd schrecklichen
vnd zuvor nie geho?rten, vnnd allen Sta?nden wol acht
zunemen, damit ein jeder inn dieser gefeulichen vnd letzten
zeit sein Leben in Gott zu richten weiß**

<https://hdl.handle.net/1874/430335>

Re 9/
Kurtze Propheceyung oder Practita.

Was sich vngeserlich

auff das M. D. LXXXVII. vnd auff das M. D.
LXXXVIII. Jar zutragen soll/ grosse/ wichtige/ schwere/
sorgliche vnd schrecklichen vnd zuvor nte gehörten/ vnd allen
Ständen wol acht zunemen/ damit ein jeder inn dieser ge-
serlichsten vnd letzten zeit sein leben in Gott zu rich-
ten weiß/ trewlich angezeigt.

Durch den Bilger Ruth im Walt
verborgen.

Kauffes/ Ließ/ es wird wol bessern dich.

Wer im 86. Jar nicht wird verderben/
Vnd im 87. Jar nicht sterben.
Im 88. Jar nicht wird erschlagen/
Der mag im 89. Jar von wunder sagen.



Gedruckt zu Erfford/durch Johann Beck
vnter den Schülern.

M. D. LXXXVI.

Vorrede zum Leser.

Freundlicher Leser/ehe du diese Practica liest/will ich dich gebeten haben/wöllest nicht ehe vertheilen du habest sie dann zum end gelesen/die nicht wird daß Sprichwort (Es seind lügenbücher) dahinden bleiben. Wann siber doch augenscheinlich wann sinste müssen gemelt werden/daß sie also in dem Jar/monat/tag vnd stund geschehen/darumb die ditz so in diesem vnd dera/leihen Practiken angezeigt nicht schmechlich zuuerwerffen/Obs dann nicht so eben auß oder böses geschicht/oder zu zeiten besser oder böser gerecht/so muß man daß nicht dem gestirn/das kein gewalt weiter/dann ihm von Gott gegeben/in diese vnterste gehöpff hat/sondern allein Gottes gütig Barmherzigkeit/Allmechtigkeit oder gerechtigkeit zuschreiben/der sich gegen vns/mild oder scharff/als wir vns gegen im fromt oder böß halten/Deß spricht Dauid im Psalter/ Bey den heiligen wirstu heilig sein/vnnd bey den ohn wandel wirstu on wandel sein/vnd bey den reinen wirstu rein sein/vnd bey den verkehrten wirstu verkehrt sein. Wann vns nu Gottes zorn wird angezeigt/es sey durch was schrift es wölle/oder wie man es nennen mag/nemen wirs an vnnd bessern vns/so wil Gott sein zorn auffziehen/vnd barmherzig sein/Darumb hat aber Jonas nicht gelogen/daß die Statt Ninue nicht vntergien/ Wo wir aber vns an die warnung nicht leren/so muß alle mal wol Gott auch zornig vnd böß/als wir meinen/zorniglich vnd bößlich mit vns handeln/vnnd vns der sachen nach straffen mit hunger/pestilens oder krieg/ze. Was nu weiter in dieser Practica gemeldet wird/Hoff ich/man werts im besten annemen.

Innhalt dieser kurzen propheetung
oder Practica.

WSchreibet M. Johannes Doleta / der auch nicht der geringste in der Astronomia ist / vnd mit im die Griechischen Meister / die Meister inn Alexandria / Hispania vnd Italia / Das inn dem 1587. Jar / wenn der Mond sein wirdt inn dem zeichen des Wassermans / so soll die Welt inn grosse gefehrligkeit stehen / Denn im jetzt gemelten sieben vnd achtzigsten Jar / wird die Sonn bedeckt werden mit dem Drachen / des Morgens von fünff vhr an bis auff neun vhr / vnd wird sehen in gleicher weise / als ob sie feurig sey. Darumb rahten wir / das kein mensch zu der zeit der Sonnen glantz beschawen soll. Dann von solchem anschawen / mag der Mensch erblinden.

Diweil / nach der lehre Platonis / im Buch Timotheo genant / Diese vnterste Welt regieret wird nach der ewigen wirckligkeit der obersten gleichförmlichen welt / soll niemande zweiffeln / dann das diese mannigfaltige Coniunction der Planeten bewegen werden / jezundt mit grosser Kelte / jezundt hitz / darnach vnfruchtbar trucken / dürre wetter / dann erschreckliche Regen vnd Gewässer / mit vnstümigen winden / donner / plitzen / vnd schädliche Eisel / die den Bergen vnd Thälern schaden werden / vnd zerstören die hohen Schösser vnd Gebewde / vnd viel Schiff im Meer ertrencken.

Vnd so wirz recht ansehen / die natur dieser Coniunction vnd die erhöhung der Planeten / so sagen wir / das die feuchtigkeit herschen werde vber die andern Qualitet / die denn in vielen enden einer kleinen sonderlichen Sündflusz verglicheet wirdt / erdrencken viel menschen vnd Thier / vnd die beume vnd wein garten im grund auß reuten / als dann auch vor zeiten geschehen ist / durch eine sonderliche Sündflusz / im Lande Achata / in der zeit des Alten Patriarchen Jacobs / vnd auch inn der

zeit Moysi/ im Land Theffalta/ da die Menschen/ durch vnstü-
cherheit der wasser/ flohen auff den hohen Berg/ Parnasum/
genannt.

Vnd so Gott der almechtige diß gelübniß nicht mit vnns
eingangen were/ daß er nimmermehr daß menschlich geschlech-
te vertilgen wolte durch daß Wasser/ als man liest im Buch
der Geschöpff/ wer zu besorgen/ daß die Sündfluß der wasser
auff ein neues die welt werd vertilgen/ so der allmechtige Gott
ein Schöpffer aller ding diß gelübniß der Sündfluß durch
den Regenbogen bezeugt/ mit dem menschlichen geschlechte nit
eingangen were.

Doch haben wir acht/ auff daß nicht durch diese erschreck-
liche Coniunctio war werd/ daß lange zeit Propeticiert ist.
Es wird auffsteigen ein vnstümtig wasser/ bedecken die Reich
der bösen/ vnd die Stett/ vnd die weite ihres erdreichs/ welche
nicht anders geacht wird/ dann eine vberrettung des Regens/
vber die gemeine wird sich aufgiessen vber etliche sonderliche
Stett/ doch nicht so groß/ daß es ein ganz Königreich oder
Land/ darinne diese Sündfluß erscheinen wird/ gantzlich er-
drencken/ sonder etliche theil/ nemblich die den Wassern nahe
gelegen seind/ beschädigen.

Diese Coniunctio wird auch bewegt werden in der lufft/
viel wunderliche gesicht/ Als da seind fliegende ferner/ frewrig
Trachen/ fallende Stern/ &c.

Gleicherweiß als die temperierten Qualitet der Element
gebern/ vnd bringen viel ding vnd fruchtbar zeit/ also auch die
selbige Qualiteten so sie vbeßlüssig gefunden werden/ seind sie
zerstören dieselbigen/ vnd zu nicht machen. Darumb so die ge-
waltige zusammenfügung der Planeten bewegen/ seind/ vber-
treffliche Qualitet/ jezund in his/ trucken/ darnach in keltte vñ
feuchtigkeit/ so wird zu besorgen/ daß schier alle wachsende ding
gebrechleiden werden inn der wachung/ nemblich Korn vnd
Wein. Darumb sollen die Weinleser vnd Hecker sich förche-
ten/ daß nicht war werde der spruch/ Es wird kein zweig blei-
ben.

Ben im Weingarten/der Drauben wird nicht vberflüssig/son-
dern zertreten durch die feuchtigkeit/welche in viel enden ver-
hindern wird der frucht zeitigkeit/oder sie gründelich außreut-
ten/oder verhindern die zeit der statt vnd die frucht in der blü-
te zerstören.

Auch wird ein erschrecklichs Sterben werden/vnnd wird
die Pestilenz gar grausamlich regieren/das es vngleublichen
zu sagen sein wird/Gott verhüte es.

So die verenderung der zeit inn den vier Qualiteten (als
Ipcras schreibt vnd Aulcenna) gepern sind viel Franckheit/
sol niemand zweiffeln/dann diese Coniunction/ die da die vier
gezeit des Jars inn ihren Qualiteten mancherley verendern
wird/nicht allein newe mancherley seltsam/vngehörte Franck-
heiten bewegen wird/sondern auch die Menschen/beyder ges-
schlechter/ die Jungen vnnd Alten/ Auch die vndernünftigen
Thier/durch mancherley Franckheit/durch den tod hinweg ne-
men vnd begraben. Darumb sollen wir fürchten/das vns nit
begreiffen die letzten schmerzen.

Es wird sich auch an allen theilen der Welt dermassen
verendern/das man an allen Orten vnnd enden grosse vnnd
wunderliche newe zeitung hören wird.

Dem Machomet aber beschlichlich abfallung seines Sce-
pters/vnd verwüstung seines Regiments/durch Hunger vnd
Kriegszwang/das er mehrertheils vnter den Christen/denn
bey den seinen zuflucht suchen wird.

Darnach werden kommen grosse Erdbidem/ vnnd die
früchte der Bäume werden wunderbarlich zusehen/vnd inwendig
holl sein.

Darumb last vns / jr frommen Christen/ Gott von Her-
zen bitten/das er vns gebe ein reines Hertz/ein lauter Beicht-
vnd vollkommene Buß/wann der Zorn Gottes wird

kommen vber die ganze
Welt.

Von bedeutung vnd zufellen des

1587. Jars.

Es soll diß Jar so finster vnd dunckel werden/das ein jeder sein eigen freund kaum kennen wird/vnd nicht sehen mögen das sich ein jeder sich nicht gnugsam hüten könne für seinen feinden. Derhalben werden wunderliche ding in der welt auffstehen/auff erden kummer vnd gedreng/das Meer soll sich erheben/vnd rauschen in grosser vngestümigkeit/Die menschen sollen verschmachten/Die krefft der Himmel sollen sich bewegen biß die betrübniß gar vberhand nemen Ja es soll sich schier die zeit nehern/da Christus von sagt/Luc. 21. Es werden zeichen sein in Sonne Mond vnd Sternen/Die Sonne soll verfinstert werden/der Mond sein schein nicht geben/vnd die Sternen vom Himmel fallen. Es schicket sich noch alles wol darzu/Gott helff vns/Niemands wils bessern niemands wils glauben/nichts desto weniger laufft die zeit der Welt herum/Aber die gleubigen/der freytlich der weniger theil seind/die heben jezunder ire Heupter auff/dann sie sehen vnd verstehen das die zeit der Welt ende vnd ihr erlösung schon da ist. Es möchts auch schier wol ein Narr sehen/der weder schreiben noch lesen kund/so ihm die Euangelia die man biß her inn den Kirchen gepredigt hat/nur ein wenig eingedenck weren/oder auffß wenigst Sibilla weissagung. Es kehret sich aber weder Ober noch Vnter daran/ein jeder meind/es sey noch nicht da Christus spricht/Von dem tag vnd der stunde weiß niemands/auch die Engel nicht/sondern allein der Vater/vnd es wird werden der welt ende/wie zu der zeit Noe/Sie frassen vnd sofften/heiraten biß auff den tag da Noe ging inn die Arche/vnd sie glaubten es nit/biß da kam die Sündfluß/darin bedarben sie alle. Wachend derhalben/dann ihr nichte wisset in welcher stund der Herr kommen wird. Ey wie seind wir doch so elende barmherzige Leut/hie zeitlich wachten wir so wir vns für Dieben fürchten/vnd wollen nun der gewissen vnd grewlichen zeichen/vnserm Leib vnd Seel zu nutz vnd seligung

ligung nicht acht nemen. Seit doch bereit spriche Christus/
vnd sehet an die hende der Welt/dieweil ihr nicht wisset wenn
des Menschen Son kommen wird. Seind nicht viel falscher
Proppheten/hört man nicht viel krieg vnd kriegsgeschrey/Ist
nicht ein Volck wider das ander/ ein Reich wider das ander/
Seind nicht Pestilenz/allerhand Kranckheiten/hunger erdbt-
dem/Wo tranet einer den andern? Hat nit alle boßheit obers-
hand genommen? Ist nicht die liebe gar erkaltet? Der Sohn
ist wider den Vatter/die Tochter wider die mutter/des Sons
fraw wider ihr Schwiger/des Haußvatters feind seind sein
eigen Haußgesind/In summa/wer besser mag der frist den
andern. Diese warnung solten billich ein steinerns Hertz er-
weichen/aber sie alle/hoch vnd nieder/achtens nicht.

Dieweil denn aller verstand bey den Menschen außgesecht
vnd finster worden/vnd das liecht Christus in dieser finsterniß
nicht mehr schaffen mag mit seinem wort/ so muß diese blinde-
heit auch das gestirn anzeigen/ob wir auch durch das eusserlich
etwan zu einer galgen rew (wann anderst das die rechte weis-
se ist fromm zu werden/von aussen zum inwendigen/vnd nicht
viel mehr vom inwendigen zum außwendigem)möchten kom-
men/was wir sehē mit den eusserlichen augen also gar Sonn
vnd Mond verfinstert werden/vnd die Sternen fallen/vnnd
doch auff das allerwenigste ein Historischen glauben vnns
möchten imaginieren vnd einbilden/bis es besser würde durch
Gottes gnade.

Derhalben schreyet man nun überall/ mord ober mord/
krieg/schwerd/hunger/ Pestilenz/wilde Thier/ vnd kriegß-
volck/welchs alle Land verdirbt. Wollen wir denn jezund nit
wisig werden/ so weiß ich kein raht/vnd wer schier
nichts bessers dann der
Tode.

Was guts vnd arges in diesem Gegentwertigen

1588. Jars geschehen soll.

In dem Jar 1588. wird die fruchtbarkeit/güte vnd groß
im anfang des Jars/an den Walddichten enden vnd
bergen/werden schaden thun/reiff vnd kälte/vnd besche
digen die früchte der Beum in Teutschland/vnd bey dem Rhein
vnd Archoys / in Hingaw (Flandern/vnd vmb vnd vmb wird
grosse theuerung/vergiessen des Bluts/biel brennen/ vnd an
dere böse vnd neue vnerhörte ding werden auffstehen/die dem
Menschen verdreust zu hören/Hunger/ Krieg/ vnd die grim
migkeit Martis/mit seiner tödlichen schalckheit wird gar nahe
in fünf Jaren nicht weichen/vnd das Reinish Volck/wird
beträblich geseht/vnd verarmet/vnd werden viel Regen
kommen/starcke winde/vnd vercheiden der Menschen/zufel
liglichen in ganzen Teutschen Landen/vnd die Geistlichkeit
wird an allen orten vmbgetrieben. Ehre vnd andacht wird
weichen von den Leyen/vnd mancherley leiden wird zufallen
dem menschen/die die ärzte nicht gesund machen können/waß
ein krieg gelegt wird/stehet gleich einander auff. Viel böses
vnd böse zeit werden füllen die menschen. Stett vnd Schloß
ser werden verrätheren warten sein. In Flandern vnd Nider
land ein vnaussprechlich heulen vnd weinen wird gehört wer
den / wird viel vnd groß blutvergiessen werden/Vor forcht
werden die Leute gehen von einer Statt zu der andern.

Es wird der Türck widerumb erweckt werden/vnd graus
samlich ziehen auff die Christen/ sie tyrannisch Jung vnd Al
te hin schleiffen vnd ermorden/ noch wollen wir nicht eins wer
den/Ein jeder denckt sein wand sey noch kalt/vnd müsten ehe
in Teutschland vnterander selbst kriegen/ vnd sich je einer vor
dem andern besorgen.

Es werden viel mechtiger fallen/Dleyder/dann werden
die Kirchen leiden/vnd die geistlichen werden beträbt sein an
vielen enden/D wec grosser verrätheren/kein glaub wird sein in
den gewaltigen/ Es wirdt auch ein gewaltiger auffstehen/der
wird

wird in der kirchen viel reformieren. Vnd die Geistlichen personen werden trawren/ dann sie werden verlieren viel gutes leben/vnd müssen ein genüge haben inn wenig/ nicht als bey Siluesters zeiten/der die Kirchen reich gemacht hat/mit ehren vnd reichthumb/ sondern als oben gesagt ist von der kirchen.

So anders den alten weisen schriften glauben zugeben ist/so wird diese Coniunction nicht vergehen/ es sey dann/das die Obersten mit den vntersten der Kirchen Prelaten leiden/ Darumb so wachet jr Priester vnd Prelaten der Kirchen/dan der verzehrende Wolff ist für der Thür.

Vnd diß vnseelig vngeluck der Planeten der Kirchen/nit allein genommen wird von Mercurio vnd Jupiter/die da zetsen den glauben vnd Geistlichkeit/vergiffet durch die bösen/sondern auch von wegen dieser Planeten Heuser/des daß eine geschlagen wird durch die widerwertigen strime der irrigen sterne/vnd daß ander Haus in sich nemen diese böshafftige aller Planeten Coniunction. Doch soll man von diß wegē nit meinen/das der Christen glaube ganz verstorret werde/ wiewol er groß geschwecht wird. Wann das Schifflein S. Peters wiewol es etlicher massen in viel vngestümmigkeit des wassers schweben wird/wird doch nicht ganz vntergehen vnnd ertrinken. Dann die hand Gottes wird ihm zu hülff kommen vnd stercken seine Arme/vnnd abwenden von dem angesicht seiner

Feinde/ vnd sie flüchtig machen/so anderst die/ so sich S. Peters Schiff annemen/ ihr leben werden bessern/vnnd sich zu Gott bekehren/sonst wird nichts drauß.

B

Von

Von etlichen Königreichen/ Landen vnd Steten/
was sie zukünfftig für vnglück zu gewar-
haben.

Es wird auch darnach kommen die Tribulation
vnd dasz anfechten ins Sungaw/ vnd Elfas gegen
dem Mittag/ inn Saphon/ Lombarden/ in Delphis
nat/ in Hispanien/ vnd da vñ vnd vmb. Essende spei-
se wird thewer/ vnd vnter den ehelichen wird hasz vñ
krieffen entspringen. Die Frawen werden betriegen
die Männer mit sichtigen augen. Vneinigkeit vnd
hizlich begirdigkeit wir beslecken viel Wahlen vnd
Lombarden/ so dasz solchs meine feder erschrickt zu
schreiben. Viel werden sterben/ schande wird ver-
wandelt werden in chre/ die bösen menschen werden
liebgehat von den mechtigen / vnd die Gerechten
vnd milden werden vexieret vnd vmbgetrieben. Die
Religiosen in vielen Klöstern werden vertilget/ vnd
werden die menschen sich vben in allen lastern.

Darnach wird des Himmels innfluß flichen an
dasz Meer / gegen der Mitternacht inn Engelland/
Norweden/ Dennemarek/ Daselbst wird groß blut-
vergiessen kommen vnter den Edlen vnd gewapne-
ten/ als vor nie gewesen ist/ dann da wird die mörderliche
schalckheit Martis/ erwecken die Teutschen vnd die
hohen/ die man Scorpionisten nennet/ dasz viel von
ihnen werden fallen/ vnd vmb kommen an ihr ende.
An dem ende wird ein jeglicher böser lieb ge-
hat/ der
Tiran

Tyrannen oben kan/vnnd ein betrogender wird für
geschoben/vnnd also gar nahe ohn glauben werden
die leute anfahren zu leben.

Darnach in Lothringen/Salabrien/Lützelburg/
Lifland / an die Mosel/vnnd gegen Occident wird
kommen eine grosse anfechtung beyde mit tewerung
vnd Krieg.

Diz vnglück sollen auch fürchten die von
Sicilia/Barbaria/vnd Ar-
menia.

Sicilia/Barbaria/vnnd Armenia/so es inn den
vierden amplick dieser Coniunction gefunden wird/
als dann viel Astronomi wöllen/ so wirdt es nicht
entgehen/ sondern durch die streitbaren vnnd wider-
wertigen gemühet vnnd schaden nemen in den gebes-
wen vnd fessunge. Auch die vnstümigkeit der wasser/
die äcker der Sicilier/Barbarier vnd Armenier vn-
fruchtbar machen wird/vnd ertrencken viel Gebeue
vnd Schiffe.

Ihr Völcker / auß vorgeschriebener anzeigung
nemet eben war/ das nicht Gott der Allmechtige die
Reich der Völcker von wegen der Sünde vnd misses-
that/die sie gehandelt haben wider seine gebot vnnd
der Christlichen kirchen heimsuche.

Von dem Königreich Dennemarck/Norweden/
Schweden vnd Schottland.

Dennemarck/Norweden/Schweden/Schott-
land/vnnd die vmbliegende Inseln/werden weinen/
von wegen der erkleglichen schäden/die ihnen die vn-
gestimmigkeit des Meers trewet. Dann es wurd
zu fürchten sein in diesem Königreichen/das besche-
digt werden viel Stett vnd viel kleiner Inseln. Die-
sen auch erschrecklichen schaden des Meers vnd der
Wasser sollen fürchten Hamborg/Staden/Lübeck/
Kockstat/Danzigt/vnd andere Stete am Meer vñ
grossen Wassern gelegen. Diese obgenante Stette
nicht allein durch das wasser bekümmert werden/
sondern auch durch andere mannigfaltige schäden
ihrer feinde / die sie allenthalben engstigen werden.
Die fruchte aber der erden werden verderben / vnnd
die Menschen werden durch schwere franckheit ihr
leben enden.

Von den Benedigern.

Benedig nim acht/von der mennig der widerwer-
tigen/Vnd das dir vnstimmigkeit des Meers/vnnd
vbertreffliche Winde nicht schaden zu fügen/vnd dei-
ne Schiff in der tieffe des Meers ertrencke/vnnd die
Gebeue zerbreche. Darumb sollen wachen die Be-
nediger/das von ihr nicht war werde/das vorlangst
von

von ihr Propheticiert ist/Wee der erde des Narren/
wee deiner hoffertigen Statt/der rechter arm ganz/
durch das schwerd nit abgestümmelt wird/vnd dein
stand durch grosse angst trübsal/vnd durch die geisse-
lung gepenigte wird. O Benedig/nim war/so du in
vergangenen jaren vil widerwertigkeit erlitten hast.

Vnd so du dieser Coniunction influß entweichen
wirfst/so wirstu erreichen die jare Nestoris/der in sei-
nem alter dreyhundert jare mit Funtzig Schiffen
kam/ausz der Inseln Pilo/wider die Troianer. Vnd
dieser Coniunction wirckligkeit der grossen wasser
halben/zerstörung der fruchte/kriegshandel/tödlich-
keit der menschen/vnd anderer widerwertigkeit.

Nach aller dieser widerwertigkeit/wird allerley
Speiß in guten kauff sein/vnd die Geislichen perso-
nen in guten frieden/vnd der Scepter der vneinig-
keit/vnd des gezenccks wird allenthalben abgenom-
men/vnd ein ehrlicher züchtiger wandel beid in geist-
lichen vnd weltlichen dingen/.c.

Es hatt auch Sibilla geweissagt von dem Tür-
cken/wie folget: Vnd der Türck wird in seinen letz-
ten jaren seines Regiments in Occident inne haben
die anstößende Länder. Vnd wird nit fern von der
gülden Agrippin todte geschlagen/von dem vnber-
windlichem König von Hispanien/Vnd das Reich
wird durchs Creutz wider gebracht zum Vätterliche
erbe des gecreuzigten/das ist Christi Jesu.

Vom Krieg vnd dessen vrsach.

Messahala schreibt / wie das diese finsternissen sampt Cometen vns bringen grosse vnd gewliche fede vnnd Kriege/vnd erwecken ein grimmig Volk/das mit gewalt einbrechen wird/vnd keines schonen noch sich erbarmen/also viel todtschlagen das die Erde erfüllt sol werden mit todten Cörpern/vnd die Bech vom menschen Blut fliessen. Hie wollen ein theil ziehen den Propheten Habacuc. O wie gar vnuersehens werden die auffwachen die euch beissen/vnnd deine engstiger werden frü erwachen/damit ihr inen zu theil werdet/ Cap. 2. Wann dann vns geschicht wie den Alten/so ist es auch kein wunder/dieweil wir viel bößlicher/weder sie / noch heute bey tag leben.

Vnd das ist die fürnemste vrsach aller straffen/so Gott vber vns sendet/vnd fürnehmlich des Kriegs/ Des spricht der Herr im Jer. am Cap. 4. Sie haben sich wider mich gelehnet/darumb seind ihre wege vnd thaten eine vrsach des Kriegs/ ihr bößheit thuts/das solcher onnut ihr hertz berührt / weiter dauon ließ Jes. 13. Vnnd warumb die Statt Jerusalem etwan bekriegt worden gibe Jer. antwor im 22. Cap. Wie kompt das der Herr mit dieser grossen Statt also vmbgangen ist? so wird man antwort geben/Darumb das sie den Bund des Herrn ihres Gottes verlassen/ Ja sie haben meine Gericht gar verschupfft/vnnd in meinen sitten nicht gewandelt/Darumb spricht der Herr Jer. 5. Dieweil ihr dann mehr inn aller bößheit zugenommen/vnd in meinen sitten nicht gelebet/sihe/so wil ich wider dich sein/vnd wil in dir vor der heyden augen gericht halten/vnd dermassen mit dir handeln/als ich vormal nie gethan/vnd forthin auch nimmer thun werd aller deiner gewel halben. Die Vätter müssen in dir ihr eigene Sön/vnd die Sön ihre eigene Vätter essen.

So war ich lebe/spricht der Herr/so war wil ich dich zum abnemen bringen/vnnd mein Aug soll dir nicht/weder vber sehen noch verschonen/seit du mein heiligthumb entheiligt hast/
Das

Das ein dritte theil vnter dir muß an der Pestilenz vnd hungers sterben/ Das ander dritt theil muß gerings vmb dich her durchs schwerd fallen/ das vbrige dritte theil aber will ich gegen allen Winden zurstrewen/ vnd den Heiden zur schmach machen/ jederman zur verwunderung vnd vorbild/ze.

Da mag sich ein jeder wol nach richten/hat Gott der Engel nicht verschont/ vnd der neuen Welt/ so wird er zwar vnser auch gar nicht vergessen/ Vnd was geschrieben/ ist vnns zur lehre geschrieben.

Darumb/ O Jerusalem/ ihr die jezund Christen wollen sein/last euch züchtigen/damit sich/spricht der Herr/Jere. 6. meine Seele nicht vonn dir abziehe/ vnd ich dich nicht zur wüste mache/ vnd zu ein Land inn welchem niemands wohnen mag.

Gott der Allmechtige schicke es/das sein wille geschehe im Himmel vnd auff Erden. Vnd das widerkomm die Jungfraw/ das ist/Gerechtigkeit/vnd das widerkomme Saturnische Reich/ das ist/fruchtbare Jar/Vnd das jezundt werde gesandt ein new Geschlecht vom oberstem Himmel/vnd das werde fried vnd einigkeit in der gantzten Welt/ein glaube/

Vnd das regiere in allen dingen ein Fürste/

Amen.

1073505

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.